



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

SECTIO OCTAVA.

ECCLESIASTES.

VERSUS 9. Melior est patiens arrogante.

METRICA PARAPHRASIS.

QVISQVIS irarum potiens, superbi
 Pectoris sauos retudit furores,
 Maior Alcide domitor ferarum,
 Se quoque vicit.

Rectius viues nimios premendo
 Spiritus, quam si rationis exsors
 Eximas legum tabulis sacratis
 Impia colla.

Degener magni Gedeonis heres,
 Notus in fratres animi cruenti,
 Turgidas sceptris animi procellas
 Morte piauuit.

Accola Nabal rigua Maonis
 Corde Iesiden tumido increpanti
 Horror incussus Sypili reuinxit
 Pectora saxo.

Isai contra generosa proles,
 Sortis infesta pila, sauientem
 Prouocat sortem patiens, sibi ipse
 Dulce trophaeum.

Concoquens iram tacitus Saulis,
 Probraque & sannas Semei procaces,
 Maior à linguae furiisque Martis
 Sceptra recepit.

Quamlibet sortem superat ferendo

Con-

Consili parvâ benè præparatum
Pectus, & cordis domiti furores
Sub iuga mittens.

Ille cœu maior nebulis Olympus
Solis innubi fruitur sereno,
Cui latus frustra pluvia malusque
Iuppiter orget.

Ille cœu rupes pelago æstuanti
Fixa, pugnaces regerens procellas,
Ridet imbelli fremitu minaces
Æquoris iras

Cùm Dionæam comitata concham
Alcyon clausâ fouet æde prolem,
Africum ponti iaculantem in astra
Despicit undas.

Tela quid frustra geminant tyranni
Corde mansueto furias domanti?
Tuta stat Virtus, stabilemque mentis
Occupat arcem.

Exulem in terras domibus negatas
Liuor ableget, dabit urna testæ
Quolibet calo proprios penates,
Bustaque tellus.

Dissipet celsâ licet arce fulmen
Tortili flammâ nebularum inane:
Corruat rupto Scythici Bootæ
Cardine mundus;

Inter astrorum patiens ruinas
Fulciet Phœbi titubantis orbem: aut
Obuium fati dabit, & paratum in
Funera pectus.

Euge fortunæ domitor, tuique!

Laurus

*Laurus æternæ tibi destinata
(Siue eris, seu fata volent fuisse)
Præmia famæ.*

PROSA EXEGESIS.

NON iniuriâ fortunæ domitor nuncupatur, quif- <sup>Patiens est
fortuna
suiq; do-
mitor.</sup>
quis inexpugnabili patientiæ clypeo pectus ob-
uallauit: nec fortunæ tantum, sed & tyrannorum, &
inuidiæ, & maledicentiæ, & cuiuscumque acerbitatis,
& ad extremum etiam sui. Cum enim patiens animum
rectæ rationi subiecerit, id est seipsum sibi, an est quid-
quam siue fortuitarum casuum, siue externorum siue
domesticorum hostium, quod eum de statu mentis
deicere possit? Et cum motus internos composuerit,
nōne facili negotio foris circumstrepentes bellorum
tumultus contemnet? Itaque sicut lapidum quorum-
dam inexpugnabilis ferro duritia est, ait Seneca, nec se- <sup>Seneca lib.
de Cōstant.
sap. c. 3.</sup>
cari adamas, aut cædi deterive potest, sed incurrentia
ultrò retundit: & quemadmodum quædam non pos-
sunt igne consumi, sed flammâ circumfusâ, rigorem
suum habitumque conseruant: denique quemadmo-
dum proiecti in altum scopuli mare frangunt, nec ipsi
ylla sæuitiæ vestigia tot verberati sæculis ostentant:
ita patientis animus solidus est, & id roboris collegit,
vt tam tutus sit ab iniuriâ, quàm illa quæ retuli. Nec
fatis, sed & domitorem dixi fortunæ, & cuiuscumque
rei aduersæ; vsque adeò, vt eam veriùs sibi laudem
vindicaret, quàm Herculi ferarum monstrorumque do-
mitori fabulosa adscripsit antiquitas. Reuerà tamen
certi sunt domitores ferarum, qui sæuissima animalia, <sup>Idem Epi-
stolâ 85.</sup>
& ad occursum exterrentia hominem, docent pati iu-
gum; nec asperitatem excussisse contenti, vsque ad

H h h

con-